

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（98）



國家圖書館出版社

中國地方志佛道教文獻匯纂·寺觀卷
江蘇省 蘇州市

吳縣志

清·姜順蛟 葉長揚修 施謙纂
清乾隆十年（一七四五）刻本

乾隆吳縣志卷之二十二

古蹟

孟襄陽登峴山詩有云人事有代謝往來成古今昔人遊覽勝地憑弔古人輒俯仰低徊慨想歔歔而不能自己吳邑自閩閭築城定都以來名流接踵古蹟之在境內者殆不可縷指雖世遠年湮而夕陽衰草古道荒原每遇才人達士登臨眺覽一觴一咏不勝今昔之感焉是亦考古者所必資也爰集可徵信者錄之於篇

梅福隱居在盤門內今爲梅隱菴

般若臺在縣西二里吳池記云晉穆公何準捨宅置東北角有般若橋時人呼作朱明寺橋是也

響屨廊在靈巖山寺吳王以檀梓藉地西子行則有聲故名今靈巖寺圓照壇前小斜廊即其址白樂天亦名鳴屨廊山

支遁菴在南峰古號支剎山晉高僧支遁嘗居此剎山爲菴甚寬敞相傳有材婦生子於中菴頂遂中裂道林嘗

放鶴於此今有亭基又喜養駿馬今有白馬碑云飲馬處也菴傍石上有馬足四云是道林飛步馬跡也

法雨泉在穹窿山絕頂有忠國師菴基唐顧在銘留題在光福山寺墨跡尙在

林屋洞在洞庭西山道書云十大洞天之第九洞一名左神幽虛之天洞有三門同會一穴一名兩洞一名賜谷洞一名兩洞中有石室銀房石鐘塔最金鏤玉柱又有

白芝懸泉金沙龍盆魚乳泉石燕內有石門半開半掩

爲滿凡郡司志云洞有五門東通王屋西達峨眉南接

羅浮北連岱嶽周處風土記包山洞穴潛行地中無所

不通謂之洞庭地脈

互見山

又崔傳洞東有石樓樓下兩

石扣之清越所謂神鈕吳王闔閭使靈威丈人入洞穴

行七十日不能盡曰初入洞口甚隘偃僂纔得入約行

數里忽遇一石室高可二丈上垂津液內有石牀枕硯

石几上有素書三卷上於闔閭不識使人問孔子孔子

曰此禹石函文並神僊之事言大道也闔閭復令入經

兩旬卻返云不似前也唯上闔風浪聲又有異蟲繞人

撲火石燕蝙蝠大如鳥穴中高處火照不見顛左右多
人馬跡震澤編天順間武功伯徐有貞篝燈深入亦見
有隔凡字云

唐元和九年有李公佐者入洞庭石穴間得古嶽嶺
經文字奇古編次蠹蝕公佐與道者焦君共詳讀之
云禹理水三至桐栢山驚風迅雷石號木鳴五百擁
川天老肅兵禹怒召集百靈變命夔龍桐栢千君長
稽首請命禹以鴻蒙氏章商氏兜盧氏犁婁氏乃獲
淮渦水神名無支所形若猿猴縮鼻高額金目雲牙
搏擊騰踔禹授之章律不能制授之鳥木田不能制

授之庚辰能制之木魅水靈山妖石怪奔號叢遠以千數頸鎖大索徙淮陰龜山之足俾淮水安流先是永嘉中有漁人夜釣龜山下其釣爲物所掣漁人疾沉可五十丈見大鐵鎖盤繞山足以告於郡守李湯命善游者數十人取鎖力不勝加以五十牛鎖乃截動稍稍就岸濤驚浪翻鎖窮見一獸闕然上岸蹲踞若獼猴但兩目不能開兀若昏醉涎沫腥穢不可近忽聞日光彩若電衆奔走獸徐徐引鎖并牛入水莫知何物也及李公佐得嶽瀆經於洞庭乃與李湯所見符合豈禹書真有藏於此者耶

鋼柱在葛洪宅南二里古人於此造鋼甃之屬元和間有女道士於此植松求仙今呼爲楊鍊師塢

桃花源震澤編在馬秣城西二里唐寶曆中有禪僧居之重圓寺藥園唐末僧九遠年踰八十好種名藥凡所植者多致自天台四明包山句曲叢萃紛糅各可指名皮目休嘗訪之而題詩

葛洪宅在焉稅城南一里綠石山下葛洪於此立壇煉丹
洪別傳云隱居於此

周隱遙廬周隱遙洞庭道士白云角里先生之孫隱遙學

太陰煉形死於崖窟中囑弟子曰檢視我尸勿令他物

相干六年後更生當以衣衾迎我弟子守視初甚良穢

蟲壞惟五臟不變如言閉護之至期往視身已全起坐

弟子備湯沐以新衣迎時髮鬢而黑髭髯面直十六年

又死如前更七年復生如是三度已四十餘年且八十

歲狀貌如三十許隋煬帝召至東都尋賜還本郡唐貞

觀中召至長安館於內殿問修習之道對曰臣所修者

匹夫之事功不及物帝王一言之利萬國蒙福得道之

效速於臣人區區所學非萬乘所宜問也復求歸山詔

遂其所適

出德傳
希道

素心堂明先賢光祿卿葉吳西初春讀書別墅有王百穀

揖登八分書額嗣拾僧供佛改爲集福菴

乾隆吳縣志卷之八十三

第宅

按圖經必載宅第吳尤高賢所托處卽流寓吳境者亦多治第郡城然非最著者莫不敢書

朱明宅卽朱明寺

葛洪宅在西洞庭馬稅城南一里緣石山下洪於此立廬

煥丹洪別傳云隱居於此

互見古蹟

太守陸襄宅卽周瑜宅後爲雍熙寺

隱士葉道昌宅卽西洞庭上真宮

司馬厚宅卽西竺寺

慧士葉超玄宅卽西洞庭仙壇觀

乾隆吳縣志卷之八十四

園林

吳桓湖山之勝高人逸士率選勝自娛而園林之名
遂傳書其名悉其創合今昔並載庶散著於詩文者
皆有所考焉

桃花庵在城西北隅桃花塢唐解元寅所築今爲準提庵
越溪莊在石湖上王寵別業中有采芝堂御書亭亦飲圃
後垣卽越城廢址

乾隆吳縣志卷之八十五

塚墓

周禮墓大夫掌邦之墓域而爲之圖示人不敢輕也
吳境多山忠賢之藏所在皆有千百世後恐其湮沒
無致乃合今昔並著於篇

附
僧塔

晉宋

道林和尚塔在支硎山北峯

寶雲禪師塔在堯峯山西麓

聖照禪師無際塔在靈巖山

本朝

萬峯和尚塔在玄墓山

智勤和尚塔在東洞庭山俞塢

湛川和尚塔在堯峯山麓

菴亭和尚塔在堯峯山

芥庵和尚即濟南府同知王在公塔在支硎山竺塢

一雨和尚塔在華山

三泰和尚塔在玄墓山

附

義塚